



UNIVERSITÄTS-  
BIBLIOTHEK  
PADERBORN

**Eryci[i] Pvteani Pietatis Thavmata In Bernardi Bavhvsii[i]  
è Societate Iesv Protevm Parthenivm**

**Puteanus, Erycius**

**Antverpiæ, 1617**

Eryci[i] Pvteani Pietatis Thavmata In Protevm Parthenivm Bavhvsianvm.

---

[urn:nbn:de:hbz:466:1-70659](https://nbn-resolving.org/urn:nbn:de:hbz:466:1-70659)

ERYCI PVTEANI  
PIETATIS  
THAVMATA  
IN  
PROTEVM  
PARTHENIVM  
BAVHVSIANVM.

ERYSI PVTEANI  
PIETATIS  
THAVMATA  
IN  
PROTEVM  
PARTEIVM  
BAVARIANVM

ILL<sup>M</sup> ET EX<sup>CM</sup>  
 PRINCIPI ET HEROI  
 PHIL. GVILIELMO  
 DEI GRATIA  
 PRINCIPI AVRAICAE,  
 COMITI NASSAVIÆ,  
 EQVITI AVREI VELLERIS.



ERMITTE quaeso,  
 Magne PRINCEPS,  
 vt affectum Pietatis  
 plenum ad te transf-  
 feram, & peculiare  
 etiam animi tui He-  
 roici admirer dotes, quibus maxi-  
 mè Felix es, & ceteris maiestatem  
 Virtutibus ac lumen addis. Cælum

msi G 3 tibi

54 AD PRINCIPEM AVRAICAE  
tibi in oculis, in pectore Aeternitas;  
infra hæc ponis ac despicias opes, vr-  
bes, regiones, & quidquid demum in  
terrâ possides: his omnibus maior,  
quia magnitudinem tuam Virtute,  
Virtutem Pietate metiris. Sic omni æ-  
uo præstantissimi quique Viri & He-  
roës nomen & felicitatem religione in-  
uenerunt: cari Deo, cui gradu velut  
proximi, & humani quidam Dij. Sed  
Christiani hæcenus Principes, vt  
Deum colerent, Matrem Dei singu-  
lari affectu venerati sunt: neque vir-  
gineo cultu robur animi masculum  
rati effeminari. Pietas ista etiam in  
armatis pulchra fuit, & pugnantes iu-  
uit. Bella grauisima, imò proelia re-  
censeantur: Virginis, imò Matris  
tesserâ Christiani Duces militesque  
toties & felices & victores. Hinc et-  
iam

iam tam Magnæ Matri, tam bonæ  
 Virgini vota toties concepta, ac so-  
 luta: templa condita, & ornata; quæ  
 suis in vicem Beneficiis Miraculisque  
 Mater-Virgo illustravit. Sed sagi Pie-  
 tatem toga secuta; nec minùs Litte-  
 ræ quàm arma, Parthenophilæ fue-  
 runt. Etiam hodie qui ingenij cul-  
 tum amant maximè ac propagant,  
 parum sibi religiosi videntur, nisi  
 Virginis numen æstiment, extollant,  
 adorent. Quid mirum? hanc Mi-  
 neruam suam, in hac Musas omnes  
 habent. Musis autem vt fontes anti-  
 quitus, amnes, montes, non vno in  
 loco sacri: ita Virgo nostra vbique  
 colitur. Nulla regio, nulla prouincia,  
 nulla ciuitas tam castæ Pietatis ex-  
 pers. Sed si Belgas spectem, in COL-  
 LE vicino & ASPERO adorata Vir-  
 ginis

56 AD PRINCIPEM AVRAICAE  
ginis Benignitas fontem Miraculo-  
rum nuperrimè aperuit; riuum edu-  
xit, qui non Belgicum modò solum,  
sed vniuersum terrarum orbem irri-  
garet. In vicino inquam COLLE  
ditionis tuæ, qui Virtutum tuarum  
gloriam simul loqueretur. Ego qui-  
dem, vt ingenij munus offerrem Vir-  
gini, tuam, ô Magne PRINCEPS,  
insinuare Pietatem volui: vt in COL-  
LE M ascenderem, te, etsi absentem,  
affari. Non hîc iam celebros nomen  
tuum, sed vsurpo: nec elogio, sed vo-  
to affectum meum aperio: vt te sal-  
uum, incolumem, felicem esse Vir-  
go velit: morbos & aduentantis senij  
onera arceat: illum florem animi, ro-  
búrque corporis vsque & vsque illiba-  
tum tibi seruet. Audi Mater, audi Vir-  
go: & hæc mœnia tua, hoc templum,  
hanc

hanc urbem perfice; perenni tutelâ ac  
 præsentia bea. Benè auguror: inter  
 clara & æterna nomina **A S P E R** ille  
**C O L L I S** erit, cæli simulacrum, sa-  
 lutis domicilium, Miraculorum fidus.  
 Hic priusquam ciues essent, Virgo  
 habitabat: urbem ipsa fecit, Benefi-  
 ciis condidit, imò auxit. An dicam?  
 consecrata origo est. Auspiciis Virginis  
 formam oppidi Collis accepit: popu-  
 lum collegit Pietas, iura dedit Religio.  
 Omnes hîc boni, omnes hîc pij, non  
 quidem Lare, sed affectu sedem ha-  
 bent: non vbi nati, sed vbi quodam-  
 modò viuere cœperunt, Patriam pu-  
 tant: alibi ciues, hîc felices; alibi  
 splendidi, hîc sani; alibi magni, hîc  
 pij. Sed te, **P R I N C E P S** Optime,  
 te inquam loci Dominum, Deus in-  
 tercedente Virgine, & Virgo annuen-  
 H te



58 AD PRINC. AVRAICAE PRAEF.  
te Deo, felicem, sanum, pium nobis  
conseruare pergat! Ego quia Deo &  
Virgini placere stili pietate, & THAV-  
MATVM scriptione conatus sum,  
tuum magis affectum merebor. Lo-  
uanij, in Arce. Kalendis Martij,  
∞. ICCC. XVII.



ERY-